

信者必救

通信處

天津法租界廣德里壹
號電話三局零零三三

引言

蓋聞非常之事。必賴非常之人。非常之人。必辦非常之事。是以釋迦化身應世。願度衆生。孔子天縱之聖。志在大同。耶穌上帝愛子。替人受罪。歷觀從古聖哲。無不以挽回世道。救濟人羣爲己任。只因天時未至。地道未開。各教聖人之盛德大業。多半有志未逮。當今物質文明發達。交通便利。電訊敏捷。天下猶如一家。所謂大同極樂世界。自最容易實現。吾師尊段正元夫子。應運而生。實行人道主義。倡造世界大同。於以集萬教大成。開萬世太平。代了各教聖神未了之宏願。匪特同仁等親承教澤。深感保全身性命大德。筆難盡述。卽朝野上下。凡遇天災人患。誠求禱免。立見效驗者。尤不勝枚舉。如師尊七三壽辰法語書中。所引至誠前知廿四條事蹟。猶不過略表其存神過化。有求必應之一斑耳。〔如欲索閱此書附郵票三分卽寄〕昔孔子悲天憫人。尊爲萬世師表。釋迦說法度生。尊爲天人師。

耶穌捨身救世。稱爲替人受罪。今我師尊自十五聞道。十九頓開大覺後。奉師命出山。行道救世。近六十年。凡所立德、立功、立言。均是一人可行。萬人可推。一時可行。天下後世可法。真不愧爲當今世界大慈大悲救苦救難之

救世貞主仁

惟以大德不德。知己難逢。故近年以來。決定屏絕

俗緣。實行休息自修。常以寡過未能自勗。對於天下國家事。則以不在其位。不謀其政。一概付之不聞不問。並且拒見賓客。同仁等受恩深重。刻骨銘心。默察師尊遯世不見知而不悔之志。雖決。而其

民胞物與。救人救世。希望中國真正統一。萬邦立地協和之大願常存。又眼看世界風雲。日趨緊急。二次大戰爭之殺人流血。毀家滅國大禍。尋將臨頭。爰本自救救人一片貞良心。謹將平日恩賜信者必救訓條。擇其淺而易行者十三則。表而出之。以公同好。邦人君子。倘不以爲莫須有之迷信品。依之實行。即可解厄消災。福至心靈。抑或

有何災厄痛苦。發願誠求。亦必如響斯應。若果風聲所播。人人效法體行。則相親相愛之人道主義。立見昌明。社會上交際往來。莫非太和翔洽。一切刀兵凶厲之氣。自消化於無形。世界第二次爭殺大慘劫。不期免而自免。人類將永享大同極樂幸福矣。是尤同仁等區區之微願也。識時俊傑。希共驗之。

信者必救訓條十三則

【一】實行人道主義之貞。尊師重道。謹守公理國法。不犯上作亂者。必救。

【二】明禍福無門。善惡之報。如影隨形。貞禮。諸惡不作。衆善奉行。必救。

【三】知孝弟忠信禮義廉恥八德。爲撐持天地之八

根大柱。而身體力行者，必救。

【四】知克勤克儉。爲人生之必要。非己之物不用。是己之物。非其時亦不用者，必救。

【五】知固有道德。卽本來良心。天然存好心。說好話。作好事。言行合一。名實相符者，必救。

【六】敬鬼神以禮。不妖言惑衆。以其聰明正直爲法。而不諂媚求福者，必救。

【七】知天道森嚴。不得不畏。而人事踏實認真。止於至善者，必救。

【八】知男女爲天地陰陽代表。自信自貞。尊重父母。

遺體。保全人之名節。不犯邪淫者。必救。

【九】體天地好生之德。常懷大悲。大願。大聖。大慈。勸人戒殺息爭者。必救。

【十】勤職業。修心術。貧而樂。富而好禮。自強不息中。又能謙讓和平者。必救。

【十一】知成己之學。卽是成人之美。眞貞成人。卽是成己。不欺世盜名。不損人利己者。必救。

【十二】不用陰謀。不用壓迫。不記私仇。不懷妒忌。不自欺。不自以爲是者。必救。

【十三】自愛自重。無一切嗜好。實行衛生養生。保全

身心性命者必救

附抄七三壽辰法語中二十四條事實之一

二十三年。江浙大旱。杭州同仁。電求禱雨。師尊云。旱象甚厲。姑爲和解。覆電到達。即日下雨。來電稱雨量不大。請再禱。覆電達到。亦即日下雨。又來電稱方面不廣。請再禱。師尊云。天降災厄。無非在位者之考成。若地方負責者。漠不相關。難望普降甘霖。於是杭垣官紳。聯合來電請禱。師尊曰可。仍如前覆電到達。即日全省沛然大下。官紳對師尊信而且感。遂同上海聞人等發起『闡揚孔子大同真義祈禱世界和平大會』聯合中外男女兩界聞人。公請師尊講說大同經法。感化人心。促成大同世界。使人類享永久和平幸福。

人道主義概論

現世界種種劫難由於世人不知有真我故不能完全人格以致自作孽不可道焉
師尊於十八年前說三我大法近又以三我立道說透人格之根柢爰本斯旨述人道主義概論以供高明研究俾咸知人格之貴重庶可爲減輕劫難之一助云爾

近代科學進步。精益求精。凡聲光化電等物質文明。靡不日新月異。時有發明。雖其所發明之器物。猶在演進過程中。距精巧神妙之究竟尙遠。然世人殫精竭慮。致力於奇技異能。固尙惟日孜孜而未有已也。

夫物質與精神。相爲表裏者也。無物質則精神無所表現。無精神則物質無所歸依。任取何事何物証之。此義至爲明顯。故專主唯物論者。其弊必至輕薄而惡化。專主唯心論者。其弊必至空疏而腐化。兩是而實兩非。今物質文明。日益發達。其足以供人類厚生利用之資。功效既已卓著。乃概觀人類之精神趨向。匪特無向上之進境。反因物質發達。不用之於正德厚生。而用之於助人爲惡。致令人類精神。益形墮落。益趨黑暗。人世間可哀可悲之事。寧逾於此。古哲云。哀莫大於心死。而身死次之。痛哉是言也。

且物質與精神。固相爲表裡。而其作用。原有主從。以精神利用物質。則人類社會。卽成光華燦爛之極樂世界。以物質消喪精神。則人類社會。卽成殺盜淫妄之無邊苦海。例如個人利用物質。任便驕奢淫逸。機械變詐。其結果必至身敗名裂。殺身亡家。國家利用物質。製造殺人利器。以圖亡人國。滅人種。其結果必

然殺人者人恒殺之。滅人者人恒滅之。循環報復。勢不至人類同歸於盡不止。則物質表面愈文明。人類社會裡面愈黑暗。又焉用此物質爲。如果個人有高尙精神。則肥馬輕裘。朋友可共。國家有高尙文化。則救災恤鄰。興滅繼絕。天下廓然爲公。舉凡物質所發明。皆必爲人類精神上所共享所同樂。決不至以利人者害人。比例而觀。在物質文明發達之今日。相與促進人類向上之精神文明。尤爲急切而必要。況發明物質。亦原人之精神所貫注。所鑽研。吾人人類。又何能盲從物質。舍精神而弗之思。

精神文明維何。揆諸千經萬卷哲理。可一言以蔽之曰。人道主義而已矣。換語釋之。卽人之所以爲人。及人與人相關之正義而已矣。夫天地生物。所以養人也。聖哲立教。所以教人也。蓋以人爲天地之心。萬物之靈。有人則有世界。無人則無世界。是故人格最貴。人道獨尊。然人之所以尊貴。非僅凡體上享受物質安樂而已。還有一種向上精神。超乎物質。自足以不生不滅者。確乎其常存。若依哲理的剖解。人之凡體。由父母精血構成。猶物質也。在佛家謂之色身。又爲四大假合。在儒家謂之身。又謂之形色。人之生則身存。人之死則身壞。變幻無

常起滅無定。可謂之假我。亦可名之曰一我。至若人之思想聰明。所以運用此耳目口體之身者。則賴有靈魂。在佛家謂之識神。在儒家謂之人心。人之生則靈魂先在。人之死則靈魂先離。亦是生滅無常。升沈不定。不過比較凡體則實在。可謂之真我。亦可名之曰二我。然究其極。男女媾精。決不能生人。有生有不生。故靈魂遊變。亦決不能自生。有生亦有死。故必也人之靈魂程度。能與化生天地萬物之道元合德。乃得三位一體。降而成人。此化生天地人物之道元。卽儒家所謂之天性。佛家所謂不生滅垢淨增減之佛性。乃爲人之真我。亦可名之曰三我。（欲明三我全旨。另有三我立道一書附郵票三分函索卽寄）而人之所以成人格者。賴有此耳。凡天地萬物。不過秉道之散氣。惟人獨秉道之精華。所以說道不遠人。人能弘道。人爲天地心萬物靈。

人既不能外道而生存。則凡世界人類。皆道德中人。卽凡天地萬物。亦皆道德中物。佛家之慈悲普渡。儒家之仁民愛物。耶教之愛人如己。莫非本其民胞物與之性量。完全其爲天地心萬物靈之人格已耳。若社會人人咸知道民吾同胞。物吾同與。自己又是爲天地心萬物靈之可貴之人格。則人與人交接。自然

相親相愛。相友助扶持之不暇。又誰肯味着人的良心。專製殺人利器。反以人供物質的奴隸。害人終歸自害乎。世界上斷無日謀自害之蠢人。即斷無害人之蠢人。故曰人道主義行。大同極樂世界。不期然而自成矣。

信貞弟子

趙增琦 魏朝彥 栗九鑫 李懋三 汪時俊 馬元音 翁金生 毛名珠 刁寶禮 張書恒 王國珍 楊連楨 劉登道

等敬贈

10

本 78241

廿六年四月 冊目
貝魯者不詳